

VI CERTAME DE TEATRU ESCOLAR EN LLINGUA ASTURIANA / GALLEGO-ASTURIANU

Por cuenta de la celebración de la “XL Selmana de les Lletres Asturianes”, la Consejería d’Educación y Cultura fai esta convocatoria a tolos centros educativos de la rede asturiana qu’imparten Llingua Asturiana/Gallego-Asturiano.

L’oxetivu ye fomentar l’actividá teatral en llingua asturiana y gallego-asturiano como modelu d’espresión y normalizar el so usu nel ámbitu educativu.

Ente tolos espectáculos recibíos van fallase los premios y va facese una selección d’aquelles obres que van representase nuna Gala Final nel Teatru Armando Palacio Valdés d’Avilés, **nel mes de mayu del 2019**, entamada pola Consejería d’Educación y Cultura del Principáu d’Asturies dientro de la **XL Selmana de les Lletres Asturianes**.

¿A QUIÉN VA DIRIXÍU?

Esti concursu va dirixíu al alumnáu escolarizao nes etapes d’**Educación Primaria** y **ESO/Bachilleratu** de los centros educativos d’Asturies.

¿QUÉ MODALIDAES HAI Y QUÉ REQUISITOS TIENEN?

Van establecese pa **Educación Primaria** y **ESO/Bachilleratu** estes **categoríes** y **requisitos** pa caúna:

MODALIDÁ TEATRU

Pa poder participar, los centros tienen que cumplir estos requisitos:

- Cada centru tien que formar un grupu teatral acordies col fin d’esta convocatoria con alumnáu d’Educación Primaria o ESO/Bachilleratu.
- Cada centru ha tener un profesor/a de referencia d’esti grupu teatral que seya miembru del Clastru.
- Cada representación ha grabase nun formatu de videu domésticu y ha unviase al Serviciu de Planificación Llingüística y Normalización de la Consejería d’Educación y Cultura.
- La representación ha tener una duración máxima de 25 minutos.
- Pa la obra de teatru ha presentase un Anexu I, marcando l’apartáu “obra teatral” pa la obra de Primaria o la d’ESO/Bachilleratu.
- La llingua vehicular de la representación ha ser l’asturiano o’l gallego-asturiano.
- Nel casu de ser escoyíos pa la Gala Final¹:
 - Van poder usase efectos audiovisuales en soportes apurríos pol grupu.
 - El montaxe de la escenografía/material audiovisual nun pue superar los 10 minutos.

¹ La Consejería d’Educación y Cultura va organizar y financiar los desplazamientos de los centros escoyíos pa representar les obres na VI Gala del Certame de Teatru Escolar.

MODALIDÁ MONÓLOGU

Nesta VI edición del Certame de Teatru Escolar en Llingua Asturiana/Gallego-Asturiano va premiase la categoría de **Monólogos** tanto na Educación Primaria como na ESO/Bachilleratu.

Los monólogos han tener una duración máxima de cinco minutos.

Cada centru va poder presentar tantos candidatos/es como quiera.

Pa caún de los monólogos ha presentase un Anexu I, marcando l'apartáu "Monólogu". D'esta manera, caún de los centros ha presentar tantos Anexos como monólogos presente al certame, amás del correspondiente pa la obra de teatru si la hubiere.

PROCEDIMIENTU Y PLAZOS

Pa participar, el centru tien que rellenar y unviar a la Consejería d'Educación y Cultura del Principáu d'Asturies l'Anexu I, coles obres y/o monólogos colos que se presenta al certame. L'Anexu I ha dir acompañáu d'un videu de la representación.

La documentación va poder unviase:


- De forma dixital, col/os Anexu I escaniáu/os y un enllaz a Wetransfer pa descargar la grabación o un enllaz a Youtube onde poder ver la grabación. Ha unviase too al corréu electrónicu splnormalizacion@asturias.org
- Per corréu postal o en mano, col/os Anexu I, y un CD/llápiz de memoria coles representaciones, al Serviciu de Planificación Llingüística y Normalización:

Serviciu de Planificación Llingüística y Normalización.
Consejería d'Educación y Cultura del Principáu d'Asturies.
C/ Eduardo Herrera, "Herrerita", e/n, 3.^{er} planta
33006 Uviéu.

N'entrambos casos el centru participante va recibir notificación de la llegada de la so solicitú.

Les solicitúes van poder presentase **hasta'l 29 de marzu del 2019**.

PA MÁS INFORMACIÓN: Tfnu. 985.10.19.15



XI Selmana de les Lletres Asturianas



| ANEXU I | |
|---|---|
| SOLICITÚ DE PARTICIPACIÓN NEL VI CERTAME DE TEATRU ESCOLAR EN LLINGUA ASTURIANA/GALLEGO-ASTURIANU XL SELMANA DE LES LLETRES ASTURIANES | |
| Modalidá: | <input type="checkbox"/> MONÓLOGU <input type="checkbox"/> OBRA TEATRAL |
| Centru: | Códigu centru: |
| Señes: | C. P. |
| Teléfonu/Fax: | Email: |
| Profesor/a responsable: | |
| Alumnáu participante (indicar cursu): | |
| Títulu del montaxe: | |
| Autor: | |
| Duración: | |
| Usu de medios audiovisuales na representación: | |
| EL/LA DIRECTOR/A DEL CENTRU: | |
| Firmao: _____(sellu) | |

SERVICIU DE PLANIFICACIÓN LLINGÜÍSTICA Y NORMALIZACIÓN
CONSEYERÍA D'EDUCACIÓN Y CULTURA DEL PRINCIPÁU D'ASTURIES
C/ Eduardo Herrera, "Herrerita", e/n, 3.^{er} planta, 33006 Uviéu.
Tfnu. 985 101915

splnormalizacion@asturias.org
llinguastur@educastur.org